



Na osnovu člana 6. stav 1. Odluke o uslovima, načinu, kriterijima i postupku finansiranja/sufinansiranja projekata i aktivnosti udruženja koja okupljaju boračku populaciju („Službene novine Grada Goražda“ broj 9/21) Gradonačelnik Grada Goražda, raspisuje:

JAVNI POZIV

Za raspodjelu sredstava za finansiranje/sufinansiranje projekata i aktivnosti udruženja koja okupljaju boračku populaciju sa prostora Grada Goražda za 2024. godinu

I

Predmet javnog poziva je dodjela sredstava iz budžeta Grada Goražda za 2024. godinu sa pozicije „Tekući transferi za boračku populaciju“ ekonomski kod 614-321, a sredstva planirana za ovu namjenu iznose 45.000,00 KM.

II

Pravo učešća po ovom Javnom pozivu imaju udruženja-fondacije koja okupljaju boračku populaciju registrovana u skladu sa važećim zakonskim propisima sa sjedištem na području Grada Goražda, a koja dodjeljena sredstva će koristiti za rad boračkih udruženja, obilježavanje značajnih datuma, događaja i ličnosti iz perioda odbrambeno-oslobodilačkog rata 1992-1995. godina i NOR-a 1941-1945. godina, organizovanje kulturnih, sportskih i redovnih aktivnosti, obilazak članova porodica šehida poginulih boraca, socijalna inkluzija i poboljšavanje statusa članova boračkih udruženja iz oblasti zdravstvenog zbrinjavanja, projekte kulturno-historijskog i edukativnog značaja.

Sredstva iz prethodnog stava ovog Javnog poziva koja se odobre za pomoć u radu boračkih udruženja (administrativni troškovi, troškovi zaposlenih, režijski troškovi, kancelarijski materijal, troškovi zakupa prostora) mogu ostvariti samo ona udruženja koja imaju zaposlene najmanje godinu dana prije podnošenja zahtjeva uz dostavljanje dokaza o urednom plaćanju doprinosa.

Udruženja koja nemaju zaposlena lica za rad i funkcionisanje udruženja mogu aplicirati maksimalno do iznosa od 200,00 KM.

III

Opći kriteriji koje aplikant mora ispunjavati za dodjelu ovih sredstava su:

- da su registrovani u skladu sa Zakonom,
- da imaju sjedište na području Grada Goražda,
- da imaju usvojen izvještaj o radu i izvještaj o utrošku finansijskih sredstava od strane Skupštine udruženja,
- da su dostavili izvještaj o utrošku sredstava u predhodnoj godini,
- da imaju otvoren žiro račun kod nekih od poslovnih banaka.

Sredstva će se dodjeljivati na osnovu sljedećih posebnih kriterija:

- aktivnosti udruženja u predhodnom periodu u odnosu na obilježavanje i sjećanje na period odbrambeno-oslobodilačkog rata 1992-1995. godina i period NOR-a 1941-1945. godine,
- značaj pripremljenog projekta za Grad Goražde i boračku populaciju,
- organiziranost, broj zaposlenih i broj članova udruženja,
- iznos sredstava za apliciran projekat i da li se isti sufinansira iz drugih izvora (vlastita sredstva, sredstva Kantonalnog i Federalnog nivoa vlasti),
- Reference, mišljenja, pohvale, efekti od ranije realizovanih projekata.

IV

Aplikanti apliciraju na sredstva u vidu prijedloga projekta ili u vidu zahtjeva za sredstva.

Aplikant može odabrati najpovoljniji način apliciranja, te može dostaviti više prijedloga ili zahtjeva, ali maksimalno jednim prijedlogom za finansiranje aktivnosti u okviru jednog specifičnog cilja.

Prilikom apliciranja u vidu projekata, isti obavezno sadrže: naziv projekta, opis problema/potreba, kratak opis projekta, cilj projekta, ciljane grupe, planirane aktivnosti, očekivani rezultati, trajanje projekta, potreban broj osoba za realizaciju projekta i detaljno planirani budžet za provođenje planiranih aktivnosti.

Prilikom apliciranja u vidu zahtjeva za odobravanje sredstava aplikant je dužan navesti sljedeće informacije: razlog zbog kojih u zahtjevu traži odobravanje sredstava, pregled planiranih aktivnosti, ukupan iznos sredstava neophodnih za provođenje planiranih aktivnosti, očekivani rezultat koji se planira ostvariti, iznos sredstava od Grada Goražda i iznos sredstava koji se obezbjeđuje od drugih izvora.

Dokumentacija koju je potrebno dostaviti u cilju dokazivanja općih i posebnih kriterija je:

1. Popunjen obrazac zahtjeva za finansiranje/sufinansiranje aktivnosti ili projekata. Ukoliko se aplicira u vidu projekta uz aplikaciju se prilaže projekat u dva primjerka.
2. Izvod iz registra udruženja (Izdaje Kantonalno ministarstvo za pravosuđe, upravu i radne odnose).
3. Uvjerenje o poreskoj registraciji-identifikacioni broj.
4. Kratak opis aktivnosti, ciljan i očekivan rezultat.
5. Dokaz da li se isti projekat sufinansiran iz drugih izvora i u kojem iznosu (potvrda sufinansiranja, ovjerena kopija ugovora o sufinansiranju ili ovjerena izjava čiju istinitost će provjeriti nadležna služba).
6. Kratak opis djelovanja i realizacije ranijih projekata.
7. Zapisnik sa Skupštine udruženja o usvajanju izvještaja o radu i izvještaj o finansijskom poslovanju udruženja sa predhodne redovne skupštine.
8. Broj članova (ovjerena izjava).
9. Spisak zaposlenih lica u udruženju ovjeren od strane podnosioca zahtjeva sa dokazima o uredno izmirenim doprinosima na dan podnošenja zahtjeva (za udruženja koja imaju zaposlene, a zahtjev se odnosi na pomoć u radu udruženja).
10. Potvrda o aktivnom žiro-računu otvorenom kod poslovne banke (potvrda poslovne banke).
11. Ime odgovorne osobe za realizaciju projekta.



Zahtjev/prijave za finansiranje/sufinansiranje projekata ili aktivnosti aplikanta kojima su odobrena i doznačena sredstva u predhodnoj godini, a isti nisu dostavili adekvatan izvještaj o namjenskom utrošku sredstava sa odgovarajućom dokumentacijom isti će se smatrati nepotpunim i kao takav odbacit će se.

Postupak odobravanja sredstava provešće se u skladu sa odredbama Odluke o uslovima, načinu, kriterijima i postupku finansiranja/sufinansiranja projekata i aktivnosti udruženja koja okupljaju boračku populaciju („Službene novine Grada Goražda“ broj: 9/21).

V

Obrasci prijave projekta može se preuzeti na službenoj web stranici Grada Goražda www.gorazde.ba.

Prijave/zahtjevi sa potrebnom dokumentacijom dostavljaju se u zatvorenim kovertama na adresu Grad Goražde, Služba za boračko-invalidsku zaštitu, socijalno stambena pitanja, izbjeglice i raseljena lica, ulica Maršala Tita br. 2 73 000 Goražde ili ličnom predajom u zgradu Gradske uprave Grada Goražda – Centar za pruženje usluga građanima. Na kovrti je je potrebno naznačiti „Prijava na Javni poziv za raspodjelu sredstava udruženjima boračkih populacija – NE OTVARAJ“

Rok za podnošenje prijave po ovom pozivu je do 30.06.2024. godine odnosno do utroška sredstava za ovu namjenu.

Nepotpune i neblagovremene prijave neće se uzimati u razmatranje.

Broj: 02-37-2-1527/24
Goražde; 03.04.2024. godine

GRADONAČELNIK

Ernest Imamović

